



# Arubaanse Courant

ANJA 25

DIASABRA 1 FEBRUARI 1964

No. 4953.

## HOPI INTERES PA EXPOSICION DI PRODUCTONAN PORTORIKENJO

ORANJESTAD, 1 febr. - Durante dos dia, esta diahuebes y diabierna e mision di cuarenta persona di Puerto Rico a tene un exposicion den Strand Hotel, di e diferente articulonan cu fabricanan na Puerto Rico ta produci. E mision cu tin como doel crea mas interes pa e productonan Puertorikenjo den territorio di Caribe ta consisti di representantenan di Prensa turismo y gobierno. Segun ta worde spera esaki lo no ta e ultimo mision comercial di Puerto Rico. Ta worde spera cu pronto un delegacion similar di cien persona lo bolbe bishita nos isla.

E apertura di e exposicion oficial di e productonan Puerto Rikenjo a tuma lugar diahuebes anochi pa mas o menos ochor. Inoficialmente ya e exposicion tabata habri diahuebes mainta nobor. Hopi comerciantenan y agentenan comercial di nos isla a dirigi nan paso e mainta ey caba pa Strand Hotel pa admira e productonan di Puerto Rico y tuma contacto cu nan representantenan. Na ocasion di e apertura oficial diahuebes anochi, camara di comercio y organisacion di comercio y industria a duna un recepcion na e mision. Na ocasion di e apertura oficial diferente persona a dirigi palabra y a haci suplica pa un lase mas estrecho entre Puerto Rico y Aruba ariba tereno comercial, y cultural.

### PROMER BISHITA

Na e ocasion di e exposicion di e promer mision di tal forma cu a bishita Aruba, deputado G.A. Oduber a dirigi palabra na e representantenan. Discurso dje diputado a expresa su sintimento di aprecio y bonbini na e mision Puerto Rikenjo cu a escohe Aruba como e promer pais caminda nan a tene tal exposicion. El a duna como sudeseo cu e lase entre e islanan lo continua v

biru mas grandi.

E siguiente persona cu a dirigi palabranan e anochi tabata senyor Adrian Arendsezn., presidente di organisacion di comercio y industria. Su discurso tabata un cortico pero jen di gradecimento pa e bishita di e mision na Aruba y pa tur esnan cu a ajuda realisa esaki. El a termina cu un "Biba Puerto Rico, biba Aruba". Den un discurso caloroso senyor Clinton H. Whitfield, como presidente di camara di comercio di Aruba a expresa su sintimento cu lastimamente nan no por a haci mas pa e mision, pa falta di e tempo cortico di preparacion. Pero el a priminti cu den e proximo mision, oranan worde avisa mas na tempo nan lo percura pa tur cos ta mihor aregla. El a termina dunando palabra na e delegacion Puerto Rikenjo. E promer representante di Puerto Rico cu a dirigi palabra tabata senyor Samuel De La Rosa, di e departamento di comercio di gobierno Puerto Rikenjo. Na nomber di su gobierno el a duna su gradecimento cu e mision y exposicion por a worde tene na Aruba. Tambe el a bisa cu durante su paseo over di e isla aki el a keda asombra di e gran actividad y industrialnan cu tin na Barcadera. El

a splica cu su gobierno a manda e mision aki pa duna Puerto Rico y su capacidad di productonan - mas conocemento den Caribe y tambe pa un lase mas grandi entre su pais y otro paisnan di e territorio aki worde crea. E intencion aki pues por worde mira, segun orador den e echo cu e mision no ta consisti unicamente di Puerto Rikenjonan pero tambe di Cubano y Argentino. Segun e representante di gobierno Puerto Rikenjo esaki tabata e promer mision di tal forma, pero seguramente e lo no ta e ultimo. Su deseo tabata cu Aruba tambe lo forma tal misionan y manda Puerto Rico pa asina un mihor lase worde crea entre e islanan aki mundo en general. El a termina bisando cu e experiencia cu el a hanja aki en futuro lo duna mihor resultado den proximo misionnan.

Despues cu e ultimo orador a recibí su aplausa y gradecimento pa su bunita palabranan e anochi di exposicion a continua mientras cu snacks y bibidatubata companja e conversacionan ariba negoshi. E grupo musical "Los Llaneros" a duna un toke extra cu nan musica y canto alegre.

THE FILTER CIGARETTE WITH RICH TOBACCO FLAVOR



For Your Satisfaction

PA CORSOW

Ayera merdia un parti di e delegacion a sali pa un bishita na Corsow caminda diferente di e representantenan di e mision tin clientenan of un of otro relacion comercial. Awe mainta e delegacion di cuarenta persona a keda di bolbe Puerto Rico atrobe cu Trans Caribbean Airways.

### LAGO TA PAGA DIA 7

Oranjestad, 1 febr. Di parti di Central Carnival Comite Aruba nos a worde informa diabierna atardi, cu aribapetition di IOWUA, Lago Oil Transport Company a dicidi di paga su empleadonan algun dia dilanti.....

Su empleadonan diabierna dia 7 di februari na lugar di dialuna dia 10 di februari. Esaki ta un gesto masha bunita cu a worde aprecia altamente den circulo di organisadornan di Carnival di Aruba.

FATUM Tel. 1845

pa tur bo aseguronan

### Vincente Kelly trinta anja serca Lago

Ultimamente Senyor Vicente Kelly kende ta cleanout corporal na Lago a cumpli su 30 anja di servicio serca e compania aki. Senyor Kelly tin 52 anja di edad y a cuminsa traha na Lago na anja 1933 como obrero den labor departament. Durante su tempo di trabao na Lago el a hanja tres lay-off pero cada biaha a bolbe hanja su trabao den laborer departament caminda e ta trahando andaperow cleanout corporal

Lampe a haci su biaha via New York y Santo Domingo. E bishita di e ministro ta di un caracter personal. E lo keda na Antillas durante mas o menos dos luna despues di cual e ta bolbe Den Haag atrobe. Na aeropuerto ministro Lampe a worde saluda pa gobernador Mr. N. Debrot, ministro President E. Jonckheer, gezaghebber Interino di Corsow W.G. De Haaseth y e presidente di Staten di Antillas, Senyor J.A.O. Bikker.

### MARLYN LACLE REINA U.J.P.

PARADERA, 1 febr. Manera nos a anuncia ayera caba awe nochi e Reina di Union Juvenil (Infantil) Paradera lo corona nan Reina cu ta Marilyn Lacle. Segun nos a worde informa e acto di coronacion lo worde efectua pa presidente di e comite Central di carnaval 1964 senyor Milo Croes. E coronacion ta tuma lugar durante un fiesta cu acompañamento di steelband Paradera.



Diahuebes anochi a tuma lugar den Strand Hotel e apertura di e exposicion Puertorikenjo di productonan di e pais, instala door di e mision di comercio di Puerto Rico cu actualmente ta bishita Aruba. E apertura a tuma lugar den presencia di algun prominentenan. Riba e portret d.r.p.d. Srs. C.H. Whitfield, presidente di camara di comercio di Aruba, G.H. Oduber deputado y Zoltan Meszaros representante di e departamento di comercio na Puerto Rico.

### Ministro Lampe a jega Antillas

WILLEMSTAD, 1 febr. Antayera nochi a yega aeropuerto na Corsow for di Hulanda, ministro plenipotenciario di Antillas., Senyor W.F.M. Lampe. Ministro



## Dos hoben condena pa un anja di prison

ORANJESTAD, 1 feb. - E dos hobenan J. G. y L.C. di respectivamente binti tres y binti anja kendenan hunto a comete diferente anja pasa y na cumtamento di e anja aki mester a presenta dia-olerna mainta dilanti huez J van Koot pa duna cuenta di nan robonan y tende e sentencia. Oficier S.H. Tjon Ajong den su pidimento fiscal, a exhibi un castigo di un anja di prison pa cada un di hobenan pa horta.mento y un siman di prison aserca pa J.G. pa motibo di un otro delito cual tabata para atrobe dilanti huez pa motibo di robo. Na luna di juli anja pasa conhuntamente a comete un robo den un bar restaurant na San Nicolas, ayanan a bai cu un suma di colaca, bibida y sigaria. E bibida y sigaria nan a consumi conhuntamente. Mientras cu e placan apar- ti cu otro y a haci un "Tour" door di e barlo di barpuetanan na San Nicolas.

Na luna di september e dos hobenan a bolbe comete un robo. E biaha aki den un tienda na Oranjestad, caminda nan a horta

panja pa bisti y un radio transistor. Na fin di december e hoben G. a hanja un carter a contentiendo un suma basta grandi cual el a tuma pa su mes y a tira e carter a for.

Na luna di januari e anja aki nan a drenta conhuntamente un deposito na Dakota, caminda nan a col asina tanto comestibel cu nan mester a horta un autopatrtransporta e carga pisa. E hoben G. tabata esun cu a percursa pa e auto, cual poco ora despues a drenta un trankera di cadushi cu e resultado di cinco cien florin na danjo material y atrapa pa polis, for di cual ariba su turno tur e robonan menciona a bin na cla.

Huez van Koot su comentario ariba esaki tabata: "Undou masha masha bunita". Parse bosotin intencion di bira gangsternan di berdad.

Oficier a pidi un anja di castigo pa pasa den prison pa cada uno, mientras C.G. a hanja un siman extra pa joy riding. Ariba pregunta di huez a bin na cla cu tur dos e hobenan cu tin cierto ofishi

ta sin trabao, di cual esun no tin tata y e otro su mama ta for di terra pa motibo di malesa.

E hoben G. kende den su defensa a bisa cu si e tabatin trabao bao e lo no a haci tal cos, a hanja tende di huez cu esey no ta un motibo pa bai horta. Si tur hende sin trabao na Aruba bai horta, anto si ta resulta un situacion masha stranjo.

Huez van Koot a priminti di duna sentencia aki na dos siman.

## Reunion di O. E. A.

WASHINGTON, 31 jan. - E embahador di Panama cerca organisacionnan di estadonan mericano, Miguel Moreno, ayera nochi a declara periodistanan que deliberacionnan entre Merca y Panama, pa regia nan kestion tocante zona di Panama a fracasa. Nan no a llega di acuerdo cu otro, apesar dje hecho, cu Panama a haci tur loke tabata posibel pa un solucion. Actualmente no tin ningun otro caminda habri cu di pidi pa un reunion di urgencia dje ministernan di asuntunan exterior dje paisnan dje organizacion di Estadonan Mericano, segun embahador Moreno. Ayera nochi mes e peticion aki a ser entrega ne secretariado general.

*Ayera mainta e muchanan di Agnes - Kleuterschool na Oranjestad a celebra nan carnaval. Desfrasa masha bunita y den un esfera sumamente alegre nos a hanja nan bao di ekwihinan. Aja nan tabata balia y hunga cu smaak. E fiesta desfrasa aki a worde pensa pa nan leidsternan, e damanan Annie Ras y Rosa Arvindel cu a worde juda den esey pa sra. Blanco Kock.*

## LANTAMENTU DI CAMPESINONAN PERUANO

LIMA, 1 feb. Gobierno Peruano ta manda polisnan cu helmu di staal pa teritorionan caminda tin irregularidad di campesinonan Indjan cu a cai sinta riba haciendanan particular. Algun dia pasa cientos di obreronan dje campesinonan a ocupa 16 hacienda den departamento Piura, probablemente como un sorto di averiguacion dje intensionnan di gobierno.

Dr. Juan Languasco de Habisch, e minister nobo di asuntunan general y polis inmediatamente a ordena pa hiba un batallon di 250 homber di policia di asalto di Lima pa Piura, e departamento caminda el a nase. E polisnan cu tin escudo cercanan pa proteccion contra e piedranan cu ta ser tira, a hanja resistencia fuerte pero a logra corre cu e campesinonan for riba e cunucunan.

E actuacion aki a forma un contrast fuerte cu politik di Dr. Oscar Trelles, antesor di Dr. Languasco, cu a wordu obliga pa retira como promer minister y minister di asuntunan general despues di un mocion di desaprobacion dia 31 di december pasa. Durante e regimen di Trelles e campesinonan sa ataca haciendanan particular sin cu polis ta interveni.



Materialnan di construccion di calidad y na prijs atractivo esey ta solamente na

**PETRONA & CROES**

## T A B E N D E

Un cama di baby den bon condicion.

Prijs razonable!

pa inf:

Pasa na

Socotorolaan No. 14  
Oranjestad.

## Demonstracion di Waterski na Corsow

WILLEMSTAD, 1 feb. - Diadomingo dia 9 februari venidero lo tuma lugar na Spaanse Water na Corsow e di seis demostracion di ski, cual ta worde organisa door di e departamento di waterski dje club Asiento. Ya ta worde practica masha hopi pa e demostracionnan aki cu nan kier duna un caracter espectaculari. Tin

grupo di show di 20 skido hoben, kendenan ya a mostra di tin capacidatnan renombrandte. Dilanti di e paviljoen di Brakkeput ja un "jumper" a worde instala, for di cual e skidonan lo haci algun buladanan fuera di e botonan di asiento tambe botonan di particularnan lo duna nan cooperacion na e show aki. Segun informacion e biaha aki mas numeronan den grupo lo worde demonstra cu en especial ta exhibi cooperacion y un disciplina grandi. Fuera di e numeronan presenta pa diferente grupo e publico lo por mira presentacionnan individual tambe manera bulamento, etc.

da ilegal y intencionan pa lanta atrobe e partido socialista spanjo y e asosacion obrerista general. E acusadonan a keda aresta na 1958.

Na november di 1962 y december di 1963 e proceso a keda suspende

## Oficial Frances a keda aresta

TOULON, 1 feb. E oficial frances di marina Jacques Woringer hefe dje departamento di prensa y propaganda na Francia dje servicio militar secreto a keda aresta, segun a ser participa awe di fuente di polis. Te ainda nan no a acusele di nada.

Na Francia a ser participa cu dos dia pasa capitán Jean Memain di 39 anja a keda aresta na Bruselas. Memain tabata ayudante di ex capitán Sergent, lider di ehercito secreto.

## Asesino condena na Moscu

MOSCU, 1 Feb. E asesino di Moscu, e actor Vladimir Ionesyan di 26 anja a wordu condena pa morto riba tres mucha homber y dos muher segun a ser anuncia for fuente di informacion na Moscu. Su amigonan ex bailarina Alevtina Dmitrieva, cu tabata su complice a worde condena pa 15 anja den prison.



# CLUB TIVOLI

Na vanguardia di carnaval

Ta presenta su di 21 programa carnavalesca

Diasabra 1 febr. - CORONACION DI SU MAHESTAD ENID - REINA DI CARNAVAL DI TIVOLI. fiesta anima pa: ESTRELLA MUSICAL Y LOS ELEGANTES



JOYITA MARIA FREDERICA

diabierne 7 Febr. - CORONACION DI JOKER DO PRIMERO durante MAMARACHO NIGHT cu „ORKESTA CURACAO,,



SU MAHESTAD ENID

diasabra 8 febr. - GALA-BAL MASQUE anima cu „ORKESTA CURACAO,,

DO PRIMERO

Dialomingu 9 febr. - JOINMENTO DEN PARADA GENERAL CU POR LO MENOS cinco carosa y varios grupo na pia. BIBA CARNAVALIIIIII

## Makarios no kier Navo na Cyprus

NICOSIA, 1 febr. President Makarios ayeranchi a declara na un conferencia di prensa den capital di Cyprus. No ta necesario pa un fuerza trupan di NAVO o unidat militar fo otro paisnan na Cyprus, cu e fin pa evita eventual fringamentunan entre griego y turconan. Si esaki tabata necesario saki lo mester tabata trupan di Nacionnan Uni, kende su trabao ta den promer lugar, pa laga atencion na mediacion di exterior en asuntunan Chyprita, segun president arzobispu Makarios. Awe lo ser tene na Londen un reunion riba nivel altu pa llega na

un desicion tocante proposiconnan britanico pa forma un forza di guerra fo paisnan di NAVO, cu mester garantisar paz na Cyprus. Participantenan ne entrevistado aki lo ta: E minister britanico di asuntunan exterior, Butler y su colega griego y turco Palamas y Erkin, delegadonan di Cyprus e minister britanico pa asuntunan di mancomunidad Sandys, y e embahador mericano Bruce. Rusia den un carta na Oe Thant a expresa su malcontento, cu secretario general di Nacionnan Uni den e kestion di Cyprus a manda un observador pa Cyprus y un delegado pa Londen, sin pone conseho di seguridad dilanti cua nan a pone e asunto dilanti. Oe Thant despues a informa conseho di su pasonan.

## Ame naza di welga na Brazil

RIO DE JANEIRO, 1 Febr. Sindicatonan di obreronan di industria petrolera na Brasil a amenaza cu un huelga nacional si e dos lugarnan bashi den e direccion dje compania petrolera di estado "Petrobras", no wordu ocupa pa personanan cu nan a nombra. E puestonan a bira bashi door cu president Goulart a retira dos director di Petrobras, cu tabatin apyo dje sindicatonan. Tambe el a retira general Albino Silva, e president dje compania. Entre tantu un comision parlamentario ta haci un investigacion pa irregularidadnan administrativo insinua cerca e compania. Ta trata akinan di millones di dollar.

## GRADICIMENT O

Mi ta duna mi sincero gradicimento na dokter Schäffer, Dokter Jansen y tambe e dokter di Colombia-Baranquilla, dokter Armando De Hart cu mi a hanja mi salud. Na mi estimada mama Simona Maduro, na mi ruman hombernan, especialmente na Rene Simons Maduro un di mi rumannan. Tambe na Sr. Calton y Sra. Calista Bennett pa nan atencion y bon cuida pa mi jiu-nan durante mi enfermedad. Cu Dios bendicionan tur pa mi, y tambe pa demas amigas y amigosnan cu a interesá den mi.

Señora María Jacobs  
Patlastraat 6.

## COMISION PA LITURGIA

CIUDAD DEL VATICANO, 1 Febr. Papa Pablo a nombra cardinalnan Giacomo Lercaro, Paolo Giobbe y Arcadio Larraona como miembros dje comision pa ehe-cucion dje constitucion liturgia nobo y pastoor Bugnini como secretario dje comision. Instalacion dje comision aki manera anuncia caba a sali den e motu propio dje siman aki den-cua nan a stipula un 10 punto menos importante pe areglo. E comision stipula meste traha cu e sobra particularidadnan dje li-neanan nobo pa celebracion di liturgia, cu na december pasa a worde acepta pa consilio Vatica-cion pa papa.

mistionnan diplomatico. Asina e agencia di prensa di Alemania Oriental ADN a anuncia. Alemania Occidental a reconose Zanzibar ora quel a bira na december pasa independiente. Pero eno a reconose e gobierno revolucionario nobo ainda. Alemania occidental no ta mantene ningun relacion diplomatico qu paisnan qu a reconose lemania oriental. Solamente qu Rusia nana haci un excep-sion.

## Huelga na Merca

NEW York, 1 febr. Personal tecnico di oficina dje emisoranan mericano di radio ABC y NBC, awe lo cuminsa un huelga en relacion cu e rechazo di nan exigencia pa mas sueldo. Transmisionnan lo no sufri bow dje huelga aki.

## Zanzibar ta reconoce Alemania

BERLIN, 31 jan. - Gobierno revolucionario di Zanzibar a reconose Alemania Oriental comunista y a propone entrekambio di

*Canciller Federal Ludwig Erhard di Alemania Occidental a bishita Italia caminda el a delibera cu e minister di exterior di Italia Aldo Moro (drechi).*

**LADIES, IMPORTANT NEWS THAT MEANS MONEY FOR YOU**

You can make \$35 each week and more, by visiting your friends and relatives. Show them my portfolio. It contains fashion illustrations and sample swatches of BEAUTIFUL DRESSES for the new season. SPORTSWEAR, LINGERIE, HOSIERY and ITEMS FOR GIRLS, MEN and BOYS. Large selection of over 200 styles to choose from. Low prices. Good values.

You collect several dollars profit on every order and, in addition, you get your own dresses without spending 1c.

You need no experience and you have nothing to pay. I will send you the portfolio FREE.

Fill out coupon and send it today.

PHILIP MEYERS, DEPT PP 333  
TEXTILE BUILDING  
CINCINNATI 2, OHIO

Name \_\_\_\_\_  
Address \_\_\_\_\_  
City \_\_\_\_\_  
& State \_\_\_\_\_ Age \_\_\_\_\_  
(Please write clearly)



## Eczema Itch Killed In 7 Minutes

Your skin has nearly 50 million tiny seams and pores where germs hide and cause terrible Itching, Cracking, Eczema, Peeling, Burning, Acne, Ringworm, Proriasis, Blackheads, Pimples, Foot Itch and other blemishes. Ordinary treatments give only temporary relief because they do not kill the germ cause. The new discovery, Nixoderm, kills the germs in 7 minutes and is guaranteed to give you a soft, clear, attractive, smooth skin in one week, or money back on return of empty package. Get guaranteed Nixoderm from your chemist today and remove the real cause of skin trouble.

**Nixoderm**  
For Skin Troubles



Mexico tin un escandalo grandi di prostitucion. E dos rumannan Maria de Jesus Conzalez Valenzuela (robez) y Delfina Gonzales Valenzuela lo mester sa-

li dilanti huez ariba acusacion di asesinato di algun mucha muher, cu tabata traha manera prostituta pa e dos rumannan a muera un mucha muher di diescuater

anja cu un anja pasa a cai de man di e organizacion. Awor e ta cuminsa un bida nobo, e ta conta e placa cu e poblacion a contribui pa apoya e muchanan cu a worde salba.

## ATA BO CANDIDATO PA E DIANAN DI CARNAVAL



**E ROM ELIHI PA  
E PUEBLO CU SABI KIKO TA BON**

### RAKET LUNAR DI MERCA

CABO KENNEDY, 1 feb. E raket lunar Ranger seis lansa antayera, ayera mainta a hanja un cambio radiografico di rumbo. Riba un

signal di radio foi mundu un motor cu mester yuda conduci e cohete a start. E mericanonan ta spera di por bisa den 12 ora di tempu unda e cohete espacial aki lo cai riba luna. E coreccion di rumbo tabata necesario pasombra Ranger tabata sigui un rumbo cu lo hasi baha na como un mil km. banda di luna.


### VIETNAM DEL SUR TA KIBRA CU FRANCIA

BANGKOK, 1 Feb. E junta di Vietnam del Sur awe a dicidi pa kibra relacionnan diplomatico cu Francia, segun Radio Saigon a anuncia den un transmision ricibi na Bangkok. E conseho a dicidi tambe, pa continua e guerra contra e comunistanan. Algun ora prome nan a transmiti door di radio Saigon un comunicado di ehercito den cua ta para cu ehercito a tuma poder den e junta, cu tres luna pasa a baha president Diem. E 9 golpe di estado di awe ta bow di direccion di teniente general Ngoeyen Kna-Na Saigon, capital di Vietnam del Sur caminda general Ngoeyen Knanh ajera a ehecuta un golpe di estado sin dramamento di sanger, tabata ketu awe. Solamente un demonstracion chiqui den cua nan ta pidi e regimen nobo pa proteha derechonan obrerista y rumornan cu nan ta planeando demonstracionnan anti frances tabata e unico disturbion. E acontecimiento dje dia anterior. Door cu e conseho di notablesnan instala dia dos di januari dje anja aki a sali confundi que junta militar a wordu aheranochi un anuncio falso cu a ser dicidi pa kibra relacionnan diplomatico cu Francia. Foi aheranochi e aeropuerto di Saigon, cu durante e golpe di Estado a wordu serra ta habri atrobe pa trafico aerea.





## STUDY is EASIER



## Panama

WASHINGTON, 1 feb. Consejo di organisacion di estadonan mericano mayan lo reuni pa papia tocante e peticion panamenjo pa tene un reunion di ministernan di asuntunan exterior di paisnan asocia. Nan a spera cu e conseho lo a conferencia ayera caba tocante e asunto ey. Panama ta acusa Merca di agresion den zona di canal di Panama durante e pap-

regularidadnan di 9 y 10 di januari. E ta desea revison djetratado di canal y un declaracion mericano cu Merca ta dispuesto pa esaki. Prome cu esaki Panama lo no delibera cu Merca. E deliberacionnan entre Merca y Panama cu mester conduci pa negociacionnan a fracasa. Merca a ninga prome cu cuminzamentu dje deliberacionnan pa haci promesa pa un tratado nobo.

## Demonstracion pa bacuna Naessens

BASTIA, 1 Feb. Dos compania di polis frances awe a llega Bastia cu avion, despues cu a ser tene akinan ayera, demostracionnan pa uso di e bacuna Naessens.

## TURQUIA TA KEDA CONFERENCIA

LONDEN, 31 Jan. Turquia lo no ehecuta su amenaza pa no sigui asisti ne conferencia di Londen tocante Cyprus. Asina e minister turco di asuntunan exterior Erkin a participa ayera nochi na Londen cu Merca a bai di acuerdo pa regla e kestion Cyprus.

Na Washington un bosero dje ministerio mericano di asuntunan exterior a contradeci cu Merca ya a bai di acuerdo pa participa den un arreglo pa Cyprus. Merca te ainda ta den e promer parti dje deliberacion intensivo cu otro gobiernonan cu tin interes, segun el a bisa.

E atmosfera di crisis na Londen den tur caso a pasa caba. Inglatera, segun anuncia tapara masha indiferente enfrente dje posibilidad di un forza di trupa di Nacionnan Uni pa Cyprus dje posibilidad di un forza di trupa di Nacionnan Uni pa Cyprus, cual e gobierno di Cyprus ta desea. Di fuente britanico ta ser bisa, cu den caso di un forza di Nacionnan Uni, e conseho di seguridad lo mester duna pronunciadon. Esaki prosiblemente lo conduci pa un debate scherpi entre representantenan griego y turco. E Turconan tin contradiccionnan contra un forza di Nacionnan Uni. E vice prome minister turco a declara ayera nochi despues di un reunion di gabinete na Ankara cu un unidad militar di paisnan de NAVO lo wordu manda Cyprus. Na Nicosia un bosero dje gobierno di Cyprus a bisa ayera nochi di no ta probeble cu Chypriotanan grie-

go lo acepta proposicion pa un forza di guerra di NAVO.

Segun noticianan fol Kreta y Rhodos unidnan griego di marina y di forza aerea ta tene ehercicion den e teritorio relaciona. Den noticianan diprensa no segura ta ser bisa, cu tur puestonan turco ne frontera griego turco banda di riu di Maritza ta fortifica.

Rusia ta contra cada minguacion di exterior den asuntunan interior na Cyprus, maske bou di cual pretesto esaki tuma lugar, segun e agencia ruso di prensa "TASS" a participa. Circulonan autoritario ruso a bisa di ta desea cu e situacion na Cyprus lo no conduci pa desarollonan internacional cu por tresa paz den e parti di mundu aki den peliger, segun TASS.

## COMERCIO FRANCES RUSO

PARIS, 31 jan. - Na su regreso fol Rusia e ministro frances di financia a declara na Paris qu lo cuminsa na juni proximo deliberacionnan tocante serramentu di un acuerdo comercial nobo entre Francia y Rusia. E acuerdo aki lo tin un tempu di cinco anja, di 1965 te qu 1969, pero e comercio entre e dos paisnan aki fol otro anja lo meste wordu expande. Tambe e kestion aki nan lo estudia den curso dje deliberacionnan.

Durante e deliberacionnan que minister frances a haci na Moscu, nan a papia tambe tocante e venidero deliberacionnan comercial internacional na Ginebra. El a participa, que lidernan ruso a segura di no tin idea pa bira bow dje actual circunstancianan miembro dje organisacion di acuerdo general entrecambio di idea tocante e kestion di relacionnan entre Rusia y e comunidad e economico Europeo. Miembronan dje gobierno sovietico a declara referiendo esaki, qu nan no ta reconose existencia dje tarifa comun di exterior. Segun nan opinion, segun e minister Frances e comercio entre Francia y Rusia mester wordu regla riba e base di un acuerdo qu ta cunbini ambos pais.

## Revolucionarionan na Canada

MONTREAL, 1 feb. 15 Homber arma y mascara probablemente revolucionarionan cutapapia frances y cu ta exigui independecia pa Quebec, ayera a haci un atake riba e arsenal canades di ehercito y a hul cu trucknan yen di arma y municion. 9 Bewaker a worde maestra y mara. Anja pasa e comite revolucionario di Quebec a laga sa, cu e organisacion tabata responsabel pa un serie di atentadonan di bom den teritorio di Montreal.

## PRAWDA TOCANTE DESARME

MOSCU, 1 Feb. E organo Ruso di partido "Prawda" awe a avisa pa un pawda den regimen to dje kestionnan internacional cu manera, segun e corant aki, ta worde eligui en relacion cu e venidero eleccion na Gran Bretania y Merca.

Nos no tin mester di papia mes tocante un tal actitud, segun e corant. Solamente esnan cu ta stens riba forzanan militar ta reaccionario por pensa riba u pauza den solucion di kestionnan di desarme.

## VALENTINA TA SPERA BABY

MOSCU, 1 feb. E promer dama astronauta ruso Valentina Teresj-kova, cu diamars lo viaha pa Gran Britania, despues lo nosalimas pa stranheria pasombra e ta prepara su mes riba nasimentu di su promer yiu. Valentina di 26 anja, a casa anja pasa november cu e cosmonauta ruso major Nicolaiev.

## SUBMARINONAN NUCLEAR RUSO

LONDEN, 31 jan. - Rusia no ta dispone di menos submarino di atoom qu Merca y e velocidad dje submarinonan ruso ta mas grandi quesnan dje mericanonan, segun radio Moscu a declara ayera nochi den un transmision pa Merca.

E accion di radius dje submarinona ruso di atoom no por wordu calcula. E bapornan por nabega pa un profundidad grandi qu velocidad incalculable, door di cua nan por persiqui y destrui principalmente submarinonan hostil. Segun radio Moscu e submarinonan aki ta equipa qu raketnan ballistico y qu raketnan qu nan mes ta busca nan meta.

## Huelga na Francia

PARIS, 1 feb. E carniceronan frances ayera a cuminsa un huelga di 10 dia, pero riba marchenan di Paris, nan a tene cuenta cu esaki y nan tin dos blaha mas tantu carni den provicion cu di custumber.

E personanan cu ta cria bestia no a hanja e plan di gobierno tocante gobernacion di prijs justu. Gobierno a aboli temporalmente e limitacionnan di importacion li carni pa por enfrente e huelga.



E portret aki ta muestra James Jenkins di 17 anja y su abuela - sva. Eunice Thomas, cu tabata contra pa saca e portret aki na jagada na New Orle-

ans. Jenkins ta e estudiante Mericano cu a hisa e bandera Mericano den zona di canal di Panama, despues di cual tabatin hopi incidente cu

a causa un quiebra di relacionnan diplomatico entre Merca y Panama. Jenkins a wor lo keda na Merca.









*Dos soeur Mericano di e orde Sisters of Mercy na Chicago ta bisti e trahe convencional; entre e dos-soeurnan un modela cu e cambio sugeriden e trahenan di convento. Si e cambio aki worde acepta esaki ta nifica e prome cambio desde siglo 18.*

## Minister Aleman ta pidi retiro

BONN, 1 Feb. E minister di Alemania Occidental pa refugianonan Dr. Hans Krueger awe a retira di su puesto cu bista riba acusacionnan tocante su pasado di Nacion. Krueger a pidi Cansiller Federal Erhard por escrito pa sakele di su puesto un bosero di gobierno a bisa awe na un conferencia di prensa na Bonn cu Cansiller Erhard a bal di acuerdo pa propone e peticion di tiro na president Luebke.

Dr. Krueger siman pasa riba su propio peticion a worde e schors di su puesto mientras e tabata spera rapport di un comision ministerial cu a haci un investigacion pe actividadnan di Krueger como huez di un corte di special di justicia, di Nazi na Polonia durante guerra.

Dr. Krueger tabata tambe hefe di e partido local di Nazi di Konitz na Polonia, caminda e cortenan di justicia tabata situa. E aiemannan Oriental ta insinua cu Dr. Krueger a coopera como asistente di juez na condenacion di personanan pa pena di morto y trabaonan forzoso.

E dokter kler a bay, pero despues el a drey bisa: "Ach, mi a hera lubida, mi jiu homber ta bini Pasco. Thesi a sinti cu su cara a bira cora. 'Asina?' el apuntra. 'Si', e dokter a contesta. 'Lo mi bisele cu e ta hayabo akinan. En todo caso lo bo tende mas di dje. 'Thesi no tabata sa pakiko e tabata haya e pensamiento ey desagradable.

XXXXXXXXXXXX

E culdo pa Ingrid tabata en realidad mas trabou di loke Thesi a kere prome. E prome tres dia nan cu e mester a haci school tambe, ora cu bira anochi e tabata sintiele tur molestia. Tabata costele masha hopi trabou pa duna ies tranquil, henter ora e tabata pensa ariba e ora cu nan ta bin buskele pa e bay cuida Ingrid. Pero porfin ultimo dia di school a jega, y Thesi a sinti un alivio grandi ora e pensa, cu casi tres siman largo e notin mester di bay school mas. El a hala rosea pisa, ora cu el a cay sinti den e auto, y despues ei a drey mira Conde Hofen spantá.

Pasobra el blaha aki ta e mes a bin buskele. Kizas e tabata tin algo di haci den stad, y di blaha el a pasa buskele, Thesi ta pensa For di dia cu el a bay keda na e castillo, e no a hanja chens di mira conde mes. Thesi su pensamento a boibe bay ariba Ingrid y ei a sinti miedo. E si-

## TELE-ARUBA

Diasabra I Febr.

5.30 Flash Gordon  
6.00 This is Britain  
6.15 Captain Grief  
6.45 Nieuwsberichten  
7.00 Topcat  
7.30 Informacion Amstel  
7.45 Paris precinct  
8.15 Tightrope  
8.45 Viana's Latest News  
9.00 Flight of the week  
10.00 The star and the story  
10.30 Sign off

Diadomingo 2 Febr.

5.30 Children hour  
6.00 Sword of freedom  
6.45 Nieuwsberichten  
7.00 Bat Masterson  
7.30 Informacion Amstel  
7.45 Our Miss Brooks  
8.15 Nos Tera  
8.45 Viana's Latest News  
9.00 Empire  
10.00 The whistler  
10.30 Sign off

## Cumpleanjos

Awe dia 1 di Feb. ta cumpli anja Celia Wernet, felicitacion ta bini di su tata Jacobo, mama Christina, rumannan Maria, Nemensio, Marianita, Clemente, Antonia, Oscar, Alberto, Porfirio, Frenki, tanta y omonan, primo y primanan, y demas famia Wernet, Winterdaal, Florencio.

Dia 1 di Feb. ta cumpli 18 anja, señorita Milda Dijkhoff, felicitacion ta bini di su tata Tov, mama Petra, rumannan Marco, cunja Ina Dijkhoff, subrinanan Evelina Wolff, amiganan Francisca Werleman, Rita Boekhoudt, Theresita Solognier, Fabia Maduro, prima y primonan, tantanan y demas famia Dijkhoff y Wolff.

## WIT-GELE KROIS

Oranjestad: Zr. Ewalda  
San Nicolas: Zr. Perpetua  
Santa Cruz: Zr. Ludovic

## PLAN CHINES DI DOS ANJA

PEKING, 1 Feb. Nan lo somete no comunistanan prominente den republica popular di Chines na un educacion ideologico mas intensivo y systematico riba tereno di partido politico comunista.

E comision permanente di Asambleaan politico consehativo di China Comunista a acepta un plan di dos anja ayera. Segun e organo dje ocho partidonan democratico chine "Kwanming Daily" a participa.

tuacion di Ingrid no a bira mihor. Henter ora Thesi ta sinti un doi na su curazon, ki ora cu e dreanta e kamber di Ingrid, y e mira con dia pa dia Ingrid su cara ta bira mas flaco. E kentura a zwak e hopi, y e cara di Dr. Bergman ta bira dia pa dia mas tristo. Casi e no ta contesta loke Thesi puntrele. E armonia den e castiio ta birando laf y Fried, e cria bjeeuw, y ta cana mas dobla. Conde Hofen a juda Thesi baha for di e auto. Despues di jama danki el a cana bay den Ingrid su kamber, el a kita su mantel y a pone su tas riba un mesa y despues el a bay serca Ingrid. E mucha tabata jora poco poco. Pero Ingrid, mucha, ta kiko a pasabo? Thesi a puntra. Thesi a pone su man riba e cabez cayente di Ingrid. "Pakiko bo ta jora? Atami serca bo atrobe." "Bo a tarda asina hopi pa bini", y el a coy Thesi su man tene duro. "Mi a kere cu bo no ta bini nunca mas serca mi, y cu bo lo iagami so akinan....", Ingrid a bisa. Thesi a coy un lenso for di e cashi y a seca Ingrid su awa di wowonan. Poco poco e mucha a bolbe tranquiliza. "Bin sinta bandi mi?", Ingrid a puntra. Thesi a cay sinti na rand di e cama, y a cuminza conta Ingrid algo. Varios cos cu

a jega di pasa tempo cu e tabata mas jong y tambe cualkier otro storia cu Thesi por a cordia na e

## AGENDA

### ARUBAANSE COURANT

diariamente cu excepcion di diadomingo  
suscripcion f. 3.25 pa luna edicion los 20 ct.

edita pa:  
N.V. ARUBAANSE DRUKKERIJ  
- en UITGEVERS - en PUBLI-  
CITEITS-MIJ.

imprimi na:

N.V. DRUKKERIJ  
„DE STAD.,

Telefoon 1116 Directiva y redacion, 2116 Anuncio y suscripcion.

Directeur hoofdredacteur:  
D. Wolff.

## RADIO CARACAS TELEVISION

Diasabra I Febr.

8.45 Senderos de luz  
9.00 Tio Vacaciones  
9.30 Relaciones Publicas  
9.45 Proyecciones  
10.15 Dialogo y Cultura  
10.45 Imagen de Francia  
11.00 Federacion Ven. de ganaderos

11.30 Suplemento hipico  
12.00 Show de Saume  
13.15 Weekend con las estrellas  
13.45 Programa de C.T.V.  
14.15 Museo  
14.30 Medio hora con Chelique  
15.00 Bowling  
16.00 Farandula musical  
18.00 Ganele al reloj  
18.30 Tic Tac  
19.00 Mr. Ed y datos hipicos  
19.30 Que monada de familia  
20.00 El observador  
20.15 La era siniestra  
20.45 Alfred Hitchcock  
21.15 Vida y destino  
21.30 Boris Karloff  
22.30 Charla

Diadomingo 2 Febr.

9.00 Buscando un nombre  
9.30 Las aventuras de Superman  
10.00 Aventuras del Cacique Jao  
10.30 El circo  
11.30 El capitán Marte  
12.00 Aventuras Guillermo Tell  
12.30 Mi hermana Elena  
13.00 Torneo hipico y Perry Mason  
18.00 Laramie  
19.00 El Imperio  
20.00 El observador  
20.15 La hora de estelmar  
21.15 Show de Alejandro Romero  
22.15 Boxeo  
22.45 Miradas al mundo  
23.00 Cine para todos

momento ey. Thesi tabata satisfecho ora cu Ingrid a pega sonjo cu un sonrisa den su cara. Ora cu e drumi, lague keda drumi, Dr. Bergman a bisa. Asina e por haya un tiki mas forza. Despues Thesi ta cuminza lesa y ta pidi Dios pa salba Ingrid, "Mi Dios dushi, no por ta posibel pa Ingrid muri". E mester haya mas forza, dunele mas forza pa soporta e malesa aki, y haci pa e bira bon trobe. Dia 23 di december tabata di 7 dia cu Ingrid tabata malo. For di ayera nochil caba Ingrid tabata tin hopi kentura y Thesi a corre jama e dokter. "No bay lague su so, ningun momento", e dokter a bisa. "Asina cu mi ora di consulta pasa, mi ta bini inmediatamente. Pone kompres di ijs, y cambianan mas tanto posibel." "Awe", Thesi ta pensa, "Awe ta e dia cu e problema ta worde resolvi". Thesi a cay sinti na rand di e cama, y ei a coy Ingrid su man tene den su mannan. Ta pakiko nos ta asina desampará cu nos no por haci nada? E tabata desea cu poco di su forza por a bay den curpa di Ingrid, pa asina e mucha bira bon mas ilher posibel. Pero e idea, cu e mester keda spera, casi ta haciele bira loco. E minuutnan ta parece oranan largo, y Ingrid ta hala rosea cu trabao. Thesi tabata tin hasta miedo di check con halto su kentura tabata. Porfin Dr. Bergman a jega eynan merdia.

## "Buscando amor di Mama"

Novela pa

Pancho Papa la Poncha Pi

No. 15

Bo por a ripara cu e kompres- ser cu ijs tabata un alivio pa Ingrid. El a calma un poco y despues di un rato el a habri su wowonan. "Ingrid, mi mucha chikito", Thesi a bisa, mientras cu e ta cariciando Ingrid su man delegá, sin forza, cu ta pone riba e cama. "Srta. Gunden", Ingrid a bisa poco poco. E wowonan preto di Ingrid a keda mira Thesi duro den su cara. "Si, Ingrid, ta ami ta serca bo, y lo mi keda akinan te ora bo bira completamente bon di salud", Thesi a bisé. "Si", Ingrid a bisa mashapocopoco. Y despues di basta rato Ingrid a bolbe puntra: "Bota aki..... nan, tur ora..... cu mi spierta foy sonjo?"

"Si, Ingrid, Thesi a bisa carinjosa, henter dia mi ta keda serca bo, y anochi mi ta drumi den e kamber banda di bo, y e ora mi por tende mesora ora e yamami.", "Thesi a bisa. Ingrid a sonrei alivia. Okay Ingrid a bisa, "mi ta contento...." Dr. Bergman a bisa, e anochi ey. Nunca Thesi por a spiera, cu e hom-

ber aki por tabata asina prudente, manera ora cu el a examina e mucha. Su cara tabata serio, pero Thesi no por a riparapakiko. Despues di e examinacion el a pidi Thesi pa bin cunele den e otro kamber. "Bo mester prepara bo pa e cos di mas peor", e dokter a bisa. "E mucha ta masha zwak y e notin mucho resistencia."

"Ademas di esey, su dos pulmonnan a worde afectá y e ta corre peliger cu un viles di supulmonnan por haya un inflamacion." "Kier meen cu nos no por haci nada mas pa Ingrid?", Thesi a puntra spanta. Wel, bo mester sigui pone e kompres- ser manera mi a indicabo, y ademas bo mester percura pa e bebe supildonan exactamente na e ora cu mi a bisabo.", e dokter a bisa. "Tambe cada dos ora bo mester check si su kentura a baha of subi. Ora cu e spierta bo mester dunel algo di come y e mester bebe hopi juice di fruta. Y principalmente: Abo mes mester come bon, pasobra e ora ta abomes lo bira maio."

**RIP KIRBY**

pa cortesia di:

**JAN BODEGOM & CO (ARUBA) N.V.**

Agente exclusivo di **FRIESCHE VLAG** lechi evaporado y lechi en polvo **MAXWELL HOUSE KOFFIE.**

**HOROSCOPO PERSONAL**

ARIES 21 maart - 20 april

Sea puntual awor y tene bo cabes serca bo trabao. Personanan cu autoridad lo existi hopi di bo, no desapunta nan.

TAURUS 21 april - 21 mei

Un amigu bieuw ta bishita bo of acento ta cal riba asunto nan di concirnan. Tratapa mantene realismo den bo deseo y esperanzanan.

GEMINI 22 mei - 21 juni

E parti humano di bo karakter ta sali dilanti awor y bo lo realiza e problemanan di otro bon. Anochí ta favorable pa discusionnan.

CANCER 22 juni - 22 juli

Awor bo lo ta capaz pa laga asuntunan marcha segun abo kier. Pasenshi y habilidad lo hiba bo dilanti.

LEO 23 juli - 23 augustus

Scucha bon kiko otronan ta bisa y no compromete bo mes muchu liher den asuntunan di suma importancia. No tuma desicionnan muchu purá.

VIRGO 24 aug. - 23 sept.

Otronan tin mester di hopi tempo pa dicidi, muestra pasenshi. Ta un periodo favorable pa dedica atencion na estudio.

LIBRA 24 sept. - 23 okt.

Bo por worde jama pa duna cuenta di algu cu bo a negligisha den bo trabao. Muestra optimismo y alegria, no perde curashi.

SCORPIO 24 okt. - 22 nov.

Concentra bo mes unicamente riba trabao cu mester worde hasi y ciuda bo salud bon. No negligisha kestionnan importante awe.

SAGITTARIUS 23 Nov. - 22 dec.

Sucesonan por tin culpa cu bo ta sinti bo mes poco tristis y deprimi. Trata pa muestra confianza cu esnan cu bo ta aprecia.

CAPRICORNIUS 23 dec. - 20 jan.


Otronan por ta bao di presion di problemanan awor. Domina bo impaciencia y acepta dificultadnan cu optimismo.

AQUARIUS 21 jan. - 19 feb.

Awe ta muestra mas favorable; bo por alcanza bo obheto, pero bo mester hasi hopi esfuerzo. Ta un bon dia pa hasi compras.

PISCES 20 feb. - 20 maart

Awor bo lo por enfrenta e hechonan encuan to transaccionnan financiero y asuntunan cu otronan. No spera muchu ventaha.



**CISCO KID**

pa cortesia di:

**ARUBA BOTTLING COMPANY**

NESBITTS den varios sabor, e refresconan mas pidi y mas gusta na Aruba.






**BUCHI ROBEZ**

pa cortesia di:

**PIET'S SODA FOUNTAIN**

Tel. 2123

E mihor adres pa snacks, tur clase di dushi, softdrinks, ice-cream y revistas.



**PEPITA**

pa cortesia di:

**ANTILLIAN HARDWARE CO.**

E mihor adres pa VERF, KWASHI, TUR HERMENT, ARTICULOS SANITARIO.



**DICK TRACY**

